

**JAMHURI YA MUUNGANO WA TANZANIA**

**BUNGE LA TANZANIA**



**ORODHA YA SHUGHULI ZA LEO**

**MKUTANO WA SABA**

**KIKAO CHA NANE**

**18 APRILI, 2017**



# ORODHA YA SHUGHULI ZA LEO

---

## MKUTANO WA SABA

**KIKAO CHA NANE – TAREHE 18 APRILI, 2017**

**I. DUA:**

**II. HATI ZA KUWASILISHA MEZANI:**

**WAZIRI WA NCHI, OFISI YA RAIS (TAMISEMI):**

Hotuba ya Bajeti ya Ofisi ya Rais (TAMISEMI) kwa Mwaka wa Fedha 2017/2018.

**WAZIRI WA NCHI, OFISI YA RAIS (UTUMISHI NA UTAWALA BORA):**

Hotuba ya Bajeti ya Ofisi ya Rais (Utumishi na Utawala Bora) kwa Mwaka wa Fedha 2017/2018.

**MWENYEKITI WA KAMATI YA UTAWALA NA SERIKALI ZA MITAA:**


Taarifa ya Kamati ya Utawala na Serikali za Mitaa kuhusu utekelezaji wa majukumu ya Ofisi ya Rais (TAMISEMI) kwa Mwaka wa Fedha 2016/2017 pamoja na Maoni ya Kamati kuhusu Makadirio ya Mapato na

Matumizi ya Ofisi hiyo kwa Mwaka wa Fedha 2017/2018.

Taarifa ya Kamati ya Utawala na Serikali za Mitaa kuhusu utekelezaji wa majukumu ya Ofisi ya Rais (Utumishi na Utawala Bora) kwa Mwaka wa Fedha 2016/2017 pamoja na Maoni ya Kamati kuhusu Makadirio ya Mapato na Matumizi ya Ofisi hiyo kwa Mwaka wa Fedha 2017/2018.

**MSEMAJI MKUU WA KAMBI YA UPINZANI KUHUSU OFISI YA RAIS (TAMISEMI):**

Taarifa ya Msemaji Mkuu wa Kambi ya Upinzani kuhusu Ofisi ya Rais (TAMISEMI) juu ya Makadirio ya Mapato na Matumizi ya Ofisi hiyo kwa Mwaka wa Fedha 2017/2018.



**MSEMAJI MKUU WA KAMBI YA UPINZANI KUHUSU OFISI YA RAIS (UTUMISHI NA UTAWALA BORA):**

Taarifa ya Msemaji Mkuu wa Kambi ya Upinzani kuhusu Ofisi ya Rais (Utumishi na Utawala Bora) juu ya Makadirio ya Mapato na Matumizi ya Ofisi hiyo kwa Mwaka wa Fedha 2017/2018.

### **III. MASWALI:**

#### **OFISI YA RAIS (UTUMISHI NA UTAWALA BORA):**

##### **60. MHESHIMIWA ABDALLAH DADI CHIKOTA (NANYAMBA):**

Atamuuliza Mheshimiwa Waziri wa Nchi, Ofisi ya Rais (Utumishi na Utawala Bora):-

Je, ni lini mfumo wa taarifa za Watumishi LAWSON utaboreshwa na kuondoa dosari zilizopo sasa hivi kama vile Watumishi wa Umma kuondolewa kwenye makato ya mikopo wakati hawajakamilisha malipo.

#### **OFISI YA MAKAMU WA RAIS (MUUNGANO NA MAZINGIRA):**

##### **61. MHESHIMIWA ZACHARIA PAUL ISAAY (MBULU MJINI):**

Atamuuliza Mheshimiwa Waziri wa Nchi, Ofisi ya Makamu wa Rais (Muungano na Mazingira):- Maziwa Madogo nchini kama vile Ziwa dogo la asili la Tlawi katika Halmashauri ya Mji wa Mbulu yanaelekea kukauka kutokana na kuongezeka kwa shughuli za kibinadamu na kuongezeka kwa magugu maji, kadhalika Ziwa Babati na Ziwa



Manyara pia yana dalili ya kukauka na Mamlaka za Serikali za Mitaa hazina uwezo wa kuyaokoa:-

(a) Je, Serikali haioni umuhimu wa kuyaokoa Maziwa hayo muhimu katika ustawi wa nchi yetu na kizazi kijacho;

(b) Je, kwa nini kusiwe na mpango kabambe wa kitaifa wa kuyaokoa Maziwa hayo.

**62. MHESHIMIWA MARYAM SALUM MSABAHA (VITI MAALUM):**

Atamuuliza Mheshimiwa Waziri wa Nchi, Ofisi ya Makamu wa Rais (Muungano na Mazingira):- Tangu mwaka 2005 kumekuwa na changamoto nyingi katika kero za Muungano:-

Je, mpaka mwaka 2016 ni kero ngapi zimeshapatiwa ufumbuzi wa kudumu.

## **WIZARA YA KATIBA NA SHERIA:**

### **63. MHESHIMIWA EDWARD FRANZ MWALONGO (NJOMBE MJINI):**

Atamuuliza Mheshimiwa Waziri wa Katiba na Sheria:- Jimbo la Njombe Mjini lina Mahakama ya Mwanzo moja tu iliyopo Njombe Mjini:-

Je, Serikali ipo tayari kukarabati Mahakama za Mwanzo za Mahenye na Igominyi ili Wananchi waweze kupata huduma hiyo jirani na maeneo yao.

## **WIZARA YA UJENZI, UCHUKUZI NA MAWASILIANO:**

### **64. MHESHIMIWA MOSHI SULEIMANI KAKOSO (MPANDA VIJIJINI):**

Atamuuliza Mheshimiwa Waziri wa Ujenzi, Uchukuzi na Mawasiliano:- Serikali iliahidi kujenga kwa lami barabara ya kutoka Mpanda hadi Uvinza:-

Je, ni lini Serikali itaanza ujenzi huo.

**65. MHESHIMIWA SILAFU JUMBE MAUFI  
(VITI MAALUM):**

Atamuuliza Mheshimiwa Waziri wa Ujenzi, Uchukuzi na Mawasiliano:- Rukwa ni miongoni mwa Mikoa inayozalisha mazao ya chakula hasa mahindi na mpunga kwa wingi na hivyo kusaidia upatikanaji wa chakula kwa Taifa. Maeneo mengi ya kilimo katika Mkoa huo ikiwemo Bonde la Rukwa yanakabiliwa na changamoto ya barabara mbovu na hivyo Wakulima kushindwa kusafirisha mazao yao kwa wakati:-

Je, Serikali ina mpango gani wa kujenga barabara za Kibaoni (Katavi) – Muze (Rukwa) – Kilyamatundu – Kamsamba (Songwe) hadi Mlowo, Sumbawanga – Muze, Kalambazite – Chombe (Ilemba) na Miangalua – Kilyamatundu Kipeta kwa kiwango cha lami ili Wakulima wasafirishe mazao yao kwa urahisi.

**WIZARA YA HABARI, UTAMADUNI, SANAA NA MICHEZO:**

**66. MHESHIMIWA MAULID SAID MTULIA  
(KINONDONI):**

Atamuuliza Mheshimiwa Waziri wa Habari, Utamaduni, Sanaa na Michezo:- Taifa lina tatizo kubwa la ukosefu wa ajira rasmi kwa Vijana.

Vijana wa Jimbo la Kinondoni wameamua kujiajiri katika sanaa mbalimbali kama vile maigizo, maonesho ya mitindo na michezo mbalimbali:-

- (a) Je, Serikali ina mpango gani wa kuwaongezea Vijana hawa vifaa, mitaji na menejimenti ili kuongeza tija katika kazi zao;
- (b) Je, Serikali imefikia wapi katika suala la hatimiliki ili Wasanii, Wanamichezo na Wanamitindo wetu waweze kupata haki zao.

**WIZARA YA KILIMO, MIFUGO NA UVUVI:**

**67. MHESHIMIWA JUMAA HAMIDU AWESO (PANGANI):**

Atamuuliza Mheshimiwa Waziri wa Kilimo, Mifugo na Uvuvi:- Zao la Nazi ni kitegauchumi na chanzo cha mapato kwa Wananchi wa Halmashauri ya Pangani lakini zao hilo linashambuliwa sana na ugonjwa wa mnyauko ambao umeliathiri kwa kiwango kikubwa:-

Je, Serikali ina mpango gani wa haraka wa kufanya tafiti kuhusu ugonjwa huo ili upate dawa inayofaa ili kuwawezesha Wakulima kuendeleza kilimo hicho.



## **WIZARA YA MAJI NA UMWAGILIAJI:**

### **68. MHESHIMIWA NAGHENJWA LIVINGSTONE KABOYOKA (SAME MASHARIKI):**

Atamuuliza Mheshimiwa Waziri wa Maji na Umwagiliaji:- Wilaya ya Same ni miongoni mwa Wilaya zinazokumbwa na baa la njaa mara kwa mara na Serikali imekuwa ikitumia fedha nyingi kupeleka chakula cha msaada; na kwa kuwa Wilaya ya Same ina Mito mikubwa na maeneo yanayofaa kwa kilimo cha umwagiliaji:-

- (a) Je, Serikali inasema nini juu ya maombi ya muda mrefu yaliyowasilishwa Wizarani ya kujenga Bwawa la Yongoma ili maji yake yatumike kwa umwagiliaji kwenye mashamba yaliyoko katika Kata za Maore, Ndungu, Kihurio na Bendera;
- (b) Je, ni lini Serikali itaona umuhimu wa kujenga Bwawa hilo ili kuokoa maisha ya Wananchi na fedha nyingi za Serikali zinazotumika kununua chakula cha msaada mara kwa mara.

## **WIZARA YA FEDHA NA MIPANGO:**

### **69. MHESHIMIWA DEO FRANCIS NGALAWA (LUDEWA):**

Atamuuliza Mheshimiwa Waziri wa Fedha na Mipango:- Shirika la Posta Tanzania lilitumia fedha zake kuwalipa Wastaafu wa lililokuwa Shirika la Posta na Simu la Afrika Mashariki:-

Je, Serikali ina mpango gani wa kulirejeshea Shirika hilo fedha hizo ili kulinusuru.

#### **IV. HOJA ZA SERIKALI:**

### **WAZIRI WA NCHI, OFISI YA RAIS (TAMISEMI, UTUMISHI NA UTAWALA BORA):**

Kwamba, Bunge likubali kupitisha Makadirio ya Mapato na Matumizi ya Ofisi ya Rais (TAMISEMI, Utumishi na Utawala Bora) kwa Mwaka wa Fedha 2017/2018.

**DODOMA  
18 APRILI, 2017**

**DKT. T. D. KASHILILAH  
KATIBU WA BUNGE**